

Tsi nihonnathró:ri ne 2015 Iohserats ne'e sontkénses ne ratiksa'okón:'a tahnnon ne kahwátsire raoteríwake.

“Ne tsi nioht rotihiáton ne ohentònhsion”

Ne kiken seskehkowa 2014, ne Ahsen watóntha' ohentonhsion wa'thatia'tórehte ne ratiksa'okón:'a tahnnon ne kahwátsire nahó:ten ratiíenas kaianerenhséra ne'e wahonthró:ri. Ki:ken nón:wa rontkénses ne'e ne kóra raonhatshera ne ratiksa'okón:'a tahnnon nithotiiénsas raoteríhwake ne'e kiken tionterihwateweiénton ne ohentònhsion thoti'skwahrónnion ne'e senha ioianere ahoti'nikonhraiénta'ke tsi nioht ne kaianeréhse tsi nihontiérha tahnnon tsi nikarihóten ne'e ronónha eh nahatíiere.

Ne'e ne ahonwanatetshénnon ne ahontiáteren tahnnon ahonthró:ri nahó:ten ne'e nahatí:iere. Tsi nikaieren ne 2015 akwé:kon wahontkénses, ne'e ne é:so ionáktote ne'e áhsiron tsi nioht tsi táhsteni tóka óni éron nónka nóntawe ki:ken owenna, ne'e kí:ken wahatikwatákon tahontawennóten nahó:ten ne'e rónon ki:ken nón:wa tehon'tihánion ratiksa'okón:'a, nithotiiénsas, kahwatsirakéron tahnnon ne nahó:ten thonwanáwis ne kéntho Ontario tsi nihoterihóten ne kaianerenhséra tsi nioht tensa'nikonháren tsi ronónhe' tahnnon tsi nioht ne kaianerenhséra ne'e ne akakwé:ni aka'satstén'he toka' óni iah e'h téioht.

Nahó:ten wa'onkwahronká:ten

Tsi nahe thotirihowanáhton ne 1985 ne ratiksa'okón:'a tahnnon ne kahwátsire thonwanáwis kaianerenhséra ne'e éns ne ken'nikariwes sahontken'sénnion tahnnon setewakwatákon. Ne thóha ne akwé:kon wahontiátaren ne sahontkátho' tahonterihóten onen iákàhewe ne Ontario tahatíia'tórehte ne tahatiténí, ne ne'e thonónhtons é:so nia'tékon tehotenátaton ne nia'teioríwake tahnnon ronwatiia'takenhas ne ratiksa'okón:'a nithotiién:sas tahnnon ne raotihwátsire.

Ne ókwe é:so eh nónew iahatíren tsi nihoti'nikonhró:tens ne nahó:ten nahatí:iere ne kaianerenhséra'okón:a' ne'e ne aónton onhsakahwatakwen tokat óni' senha aionianereke tsi nakaienron'tó:toke ne'e karihón:ni enhotíia'takénha ne ratiksa'okón:'a tahnnon ne thotiiénsas, ne'e karihón:ni senha í:non nenhénwe ne nahó:ten tehonnatonhwén tsó:ni tahnnon nahóten óni roti'nikonhró:ri. Ne thonwanáwis kentiohkwaíen ne thotiiénsas tahnnon raotiwátsire tehonatonhwentsó:ni ne kaianerenhséra'okón:a' ne ahontkátho tsi nioht wa'tewa'téni tsi tehotate'nikonhró:ri, tsi ne'e ónen kaia'takwe'ní:io tsi teionhwentsakhánion ka'ok nón:we 30 niiohséake, tahnnon ahontkátho nahóten nioht ahatikwatakón ne Ontario ne ohenton wétewe. Ne'e nohk ne wahaterihwakwatakón onen kwah ónew eh nón:we ronte'shennón:ni tsi nón:we tiaonhá:'a tetiotonhwentsóhon takaténion, é:so kí: nahó:ten nahatíieránion ne tsi nioht ne kaianerenhséra awá:ton ne senha ahonwatiia'kenha ne ratiksa'okón:'a tahnnon ne nithotiiénsas.

- ***Tsi niiht tehotiia'torehton, tsi nithonnáwis, raotiwénna ne ratiksa'okón:'a*** tahnnon nithotiiéntas. Tsi niionkwétake e'tho nón:we rotiiátare rotiohkwánen nithotiién:sas tahatiswa'nentha ne' enhotiiéntake ne CFSA senha nioianéreke enwatan'tonnihseke tahnnon akwé:kon tawàtieste tsi niiht rontkáthos ne nithotiién:sas ne'e senha wahatiianerénhste ne'e ne CFSA ne thótsi awatónheke ratiksa'okón:'a tahnnon ne nithotiién:sas kwah sha'tewahsénnon ontakaiérike' ne ronónha raoterihwake tahnnon thohtsi aka'sátsteke ne'e akwah tsi nihatiwennótsens.
- ***Tohsa eh naiá:wen tahnnon ontahontiswa'néta***
Kahwatsíre nithotiién:sas tahnnon ne thonwanáwis ne' etsháka sahontkátho' ne kató:ken nahó:ten tahnnehta'kwe ne'e ne CFSA thótsi ahaterihówanahte ne othénon iah e'tho thaiáwen tahnnon ontahatiswa'néta, ká:ron tsi niioire tensatikhánnon ne senha é:so aka'sásteke ne iah e'tho thaiá:wen toka ó:ni iah othénon thaiá:wen ne'e oni ne awá:ton iaweronhatie kátke othénon taka'nikonharén aónton káti ne'e ahontkátho'.
- ***Enwá:ton ienhatí:kon tahnnon ne kaia'takenhatshera***
Ne onkwe tewéne tó: nikon ne' wahonníron tsi niioire niiorihowánen ne akwékon awá:ton ahatiiéna ne éneken tio'ténnon oríwa shé:kon ne tsi niokwarihóten tahnnon oni tsi nón:we tewanákere.
- ***Tewa'tihannion tsi niionkwe'to:ten tsi niiht tewahia:tons tsi niiht teionhwe'tahkwen tsi non:we niionkwe:non tahnnon ne otia'kwe rotitsi:io.***
Ne ratiia:tare wahonttoke ne CFSA iah ne' kaneka tewatena'ton:ni tsi niiht tetewa'tihannion kwah tsi niiht ne Ontario, ne'e karihon:ni othenon tontakahrenhon ne ratiksa'okón:'a ne nithotiién:sas enwatan'ne enhonnateriéntarake tsi nihatiia'tó:tens tsi nón:we thonehtákwen tahnnon tsi nihatiwennó:tens. Ne ratiia:tare ne'e wahonní:ron ne kató:ken nahó:ten ahontiién:take tahnnon ne'e óni ontahotiswa'nè:ta ne'e tsi wahonnise'kénha tahnnon tsi nihonhtónne e'tho niiht nén ne onsahati'nikonhraién:ta'ne ne'e awathró:ri ne CFSA aoríhwake.
- ***Tenwa'tíhen tahnnon enionhtennionhàtie tsi niiht tenhotísne kí:ken tsi niiht kahiá:ton ne tenwátiha (Ne tenwa'tiha tsi niiht eniontehiá:ron e'tho nón:we ne ieksá:'a nithotiiénha tsi niioire enhontehiá:ron e'tho nón:we enkahiátonke)*** Teion'teionhànie ne ratiksa'okón:a tahnnon nithotiién:sas tsi niiht thonwaná:wis tahnnon teio'tenionhàtie tsi niiht tenhonwatisnie kwah tsi niioire enhontehiarónnon rononhá:'a tsi niiht rati'tarón:ton ne'e akwah thatiketskwas tsi eh nón:we tsi teiotonhwentsóhon tahatiia'tórehte ne CFSA, ne ratitíohkwaien nen ne ahontkátho tsi nihonnónhes e'tho nenióntonke ne tahontísnie' tahnnon enhonwatiénawase ne rotikstenho'kón:'a ne'e akwah tiorihowá:nen ne enhonwatiénawase ne'e karihón:ni enwá:ton enhontkátho tsi niia:wens ne ratiksa'okón:'a tahnnon ne kahwá:tsire.
- ***Wahóntka'tho nahó:ten ne' tshá:ka tehotí:nionte:***
Ne ratitiohwaké:ron wahonní:ron tahnnon wahonwatíhró:ri ne CFSA ne ahatiiahntírha'ne ne (Systemativ Challenge) ne'e takenináshonte ne ionténrah tahnnon ahonwatiénawahse ne kahwatsiraké:ron ne iah ne'e e'tho niiht ahati'teróntake.
- ***Enhontkátho nahó:ten ókon tehonti'nikónrhare ne kahwatsirakéron:***
Nen ne ronaterihonte ne ahonwatíhnhahé ne CFSA ne ahatiiéntaren'ne nahó:ten ókon tehoti'nikonrharen'ne ne tekenináshonte rotíten tahnnon ahonwatiénawahse ne kahwatsirakéron ne iah e'tho thaionhtónhake.

Enhatikònnionste' tahnnon enwéne'ne ne owéna tsi kaianerénhsera:

É:so kí:ken tsi nioht wahaterihwatshénri ne onen wahóntken'se ne'e ne toka tahatité:ni tsi nioht rotikwatákwen ne CFSA ne'e karihón:ni senha watiehsá:ke enhonti'nikonraiénta'ke ne ka'nisténséhsera tahnnon ne nithotiiénsas ne'e onen enwatena'tónhahse ne senha enhatikówanahte tahnnon enhontahónhsatate ne nahó:ten nahó:ten thoná:wis ne ratiksa'okón:'a tahnnon othénon enkaia'tatónhake kí:ken ne ronónha thonáwis e'tho nón:we enska ne'e enwátake tsi kaianerénhsera ta'nón:wa óni akwé:kon tenkaiestónhake ne nahó:ten iah tetho'nikonhrí:io akahiatónhake, iah eh thaionhtóhake é:ron ok' nón:we akahiatónnion tsi ní:wa ne kaianerénhsera.

Ne ratitiohwaké:ron ne'e wahonníron ne toka ahonon'neke tsi nihatiwennó:tens ne CFSA tsi níkaíen ne wahontkátho ne aiénrhe' iorihwakáion, iah tewéne nahó:ten tahnnon ó:ni akwé:kon ronnére' eh nioht ne onkwéhónwe. Ne'e wahonní:ron kí: nón:wa owéna iah thaónton ne'e ahóntste tsi rotitiénhaien ne senha ioiánere ne onen enhóntste ne onen tsi nihatiwennóten, ne ióhskats tsi nioht onsaka'tshásten'ne. Ne ratitiohwakéron ne'e wahateri'wanón:ton ne wé:ne tsi nihatiwennó:ken owéna, e'tho nón:we awátake tsi kaianerénhsera, akwé:kon ahonnate'saiéntake tsi níkawennó:tens (na'tetiorihwaieráton) ahaiá:kenhwe kí:ken owéna, ne'e ó:ni ne onkwéhónwe tsi nihatiwennó:tens.

Enhonwatiiátakenha ne nithotiiénsas tsi níkaíen ne tehonatonhwentsó:ni tahnonwatiiáta'ton.

Ne ratitiohwaké:ron ne'e nithotiiénsas tahnnon tahatiswa'néta, tsi nioht wahaterihón:ni ne ónen wahatiweienénta'ne wahatihiá:ton ne nithoié:nsas tsi nón:we ronwatiiá'takénhas rotiió'te ne'e ronwatina'tónhkwa ne'ne kí:ken kahiatónhséra ne tahatihnióten tsi nioht teio'tíhen ne ratiksa'okón:'a ronwataten'nikón:rare. É:so kí:ken wahaterihwa'nírate ne tsi ne'e teiotonhwentsóhon tahnnon teiósterihat né:ne tsi na'tehonohseriiákon ne ronwate'nikón:rare ne:ne akaharatónhake tsi na'tehonohseriiákon ne 11 tsi níiore ne 18.

Ne ratitiohwaké:ron ne thótsi e'tho na'kaiéren'ke ne'e ne senha rotiksténha rononhkwétase ne:ne (ahontiiá'takénhna) ronónha ahateri'wanónton, ne'e tsi kí:ken enhontina'tónhahse tsi nioht rónnerhe' ahonónheke, nohk só:tsi tehonatonhwentsó:ni ne kaia'takenhátshera, ahontáweia'te, tsi nihotinikonhró:ten, tsi óni naionhtónhake ne kaia'takenhátshera enhoná:tonhse ne né:'e enhotiiá'takénhna enhonata'karíteke tahnnon ioiánere tsi tahotiiá'toréheke.

Kahiatonhserahkwe'ní:io tsi nón:we Enhati'teróntake

Ne ratitiohwaké:ron ne'e á:re sahoní:ron ne takateniónhake tsi nioht kahiatonhserón:ni, kató:ten tahnnon awatena'tonníhseke ne'e iorihonwá:nen nen ne'e enhatíhsere ne ratiksa'okón:'a ronwati'nikón:rare tsi nón:we ahati'teróntake tsi ó:ni nahoti'nihó:rake tahnnon tsi nón:we rontonrihsentákhwa thonwanáwis ne'e karihón:ni ne'e tenkiátera'ne ne nahó:ten tehonatonhwentsó:ni ne ratiksa'okón:'a tahnnon ne thotiiénsas. Énska nahó:ten tiaonhá:'a tiorihowá:nen wahaterihwatshenri ne ratitiohwaien ne iah tha'teiohsterihat tsi nioht rona'tkathwenhátie tahnnon tsi naionhtónhake ne'e ontahatiswa'nétane ioianérke tahnnon ahonata'karíteke ne ratiksa'okón:'a tahnnon ne nithotiiénsas ne'e ahotiién:ta'ne tsi nón:we thonwanáwis ne ahati'teróntake ne'e kentiohwaké:ron ne'e wahonníron ne tsi níiorihóten ne e'tho naionhtónhake iah ne'e thiiá'tekákente eh té:ioht.

Ne ratitiohwaké:ron wahonní:ron é:so tiótokte tsi kwah naionhtónhake ne tekon'tihánion tsi nón:we enhonwati'téron ne ratiksa'okón:'a (e.g. ronwaten'nikón:rare, kentiohwaienm nithoiénsas ratihnhóton ne rontoríhsentákhwa tekon'tíhen tsi nioht tsi karihwasá'anhon iah ne' tiótkon tewé:ne' nahó:ten

ratí:ton, ne'e karihón:ni tenhatirihotárho' tsi iah thiaa'tekákonte tahnnon tsi óni nioht tenhowatísne' ne ratitiohkwakéron wahonní:ron ne' né:'e iorihowánen ne tiótkon e'tho nahotienrénhake tsi nioht wá:ton kahiatonhseráke, iaweronhátie ka'nón:we ne sénha é:so tsi nioht kahiá:ton rontkénse ontahaterihwá:reke.

Ne ratitiohkwaké:ron thó:tsi ahonnon'heke ne nihonatiéren ne ken' ní:kon kahiá:Ton ne' ne thó:tsi sénha akaio'tén:'on ne'e ó:ni aionhtentionhátie, é:neken ontakáteke ahatikwatákon ne'e tsi nioht akahiátonke raterihwaserón:ni ne e'tho tiótkon naiá:wen. Ne ratitiohkwaké:ron ne'e wahonní:ron ne' ne sénha é:so teiotonhwentsó:hon ne ónkwe ne ahatiénawahse (e.g. senha é:so enhonwatihhane ahonwateweiénhsten ne rotio'te ne'e thó:tsi óni iahatíeste ne CFSA tahnnon ne tsi tenhatíeneste tsi kahiá:ton)

Tentewathró:ri tsi nikarihó:tens

Ne ratitiohkwaké:ron ne sahatkén'se thiaa'tekákonte ronwathró:ri tsi teiotonhwentsó:hon ne orí:wa tsi nakaiérake awathroríhake tsi nioht takarihwa'thé:tonhe ne e'tho tahnnon akwé:kon ne rotiaa'takenhas ne'e karihón:ni tenhotiaa'táton, enthotiswa'nèta ensatikwatá:kon ne'e enhotiiénawase ne ratiksa'okón:'a nithotiién:sas tahnnon ne kahwátsire. Ne'e óni wahonní:ron ne'e ne entkaieritónhake tsi nioht enhontsté:rihste' tahnnon entksaieritónhake, ne'e akwé:kon ronónha enhonawen'hake, iah onhka thaiakoiaréntake nohk ne ronónha tahnnon skáhne enhotio'ten akwé:kon kí:ken nahó:ten karihwáhere.

Akwé:kon ne ratitiohkwaké:ron sénha wahaterihówanahte tsi nióre niiorí:wa kí:ken ne iah ónhka ok' ó:ia aiakoteriéntarake tahnnon ne' óni ne tentewathró:ri tsi nikarihó:ten ne'e watena'tón:ni tsi iorihowá:nen ne kwah tshatèkena ne iah ónhka óia aiakoteriéntarake tsi ratiksa'okón:'a tahnnon ne raotihwá:tsire, tahnnon enwathroríhake tsi nón:we ne tiaonhá:'a tioiánere ne enhotiaa'tórehton ne ratiksa'okón:'a, tsi nioht enhatikwé:ni e'tho naiáwen'ne ne ratitiohkwaké:ron wahonní:ron enwá:ton enhonterá:kon ne "tekahkwe'nón:ni ne enhonwatiaa'tokenha'" ne'e tsi nikaié:ra ne wathró:ris tentewathró:ri ne ratiksa'okón:'a tahnnon ne nithotiién:sas ne ratiié:nas kí:ken kaia'takenhátshera tsi nón:we CFSA. Ratiksa'okón:'a, nithotiién:sas tahnnon ne kahwá:tsire wahonthró:ri ne nahó:ten ne ahaterihwá:ra tsi nikarihó:ten ne kí:ken ahonawénhake, tahnnon awá:ton iaweronhátie kátke enhonateriéntakrake ne ronónha raoterihwáke tahnnon tsi nioht ronwaterihwáse.

É:so kí:ken ne ratiksa'okón:'a ne nithotiién:sas tahnnon ne kahwá:tsire rontena'tónó:ni tsi iah tethotí'nikonhrí:io ne rotí:ien né:ne tshá:ka rotí'tharákhwen "ahonthró:ri ne ronónha raotiká:ra ne'e iahatí:kon tsi nón:we ne kaia'takenhátshera. Ne'e kwah wathró:ris kí:ken kentiohkwaké:ron ne'e thó:tsi ahotio'ten ne tahontathró:ri ne'e karihón:ni akwé:kon ne' tshá:ka ahotí'nikonhraiénta'ne ne'e karihón:ni kahwatsirakéron iah thateiotonhwentsó:hon ne:ne tshá:ka enhonathroríhake ne nahó:ten rateri'wanónhtha' ne'e óni tiokétat kátke nón:we ronte'niéntha' iahatí:kon ne' kaia'takenhátshera.

É:so kí:ken kentiohkwaké:ron ne'e wahonní:ron ne kaianerénhsera ne'e thó:tsi tahontkánenren ahatiróroke ne enhonwathró:ri nahó:ten ó:kon kahiá:Ton tsi nioht kaiennawáse ne CFSA, ne'e akwah ne iah othénon tehotí:ien.

Tiótkon e'tho neniohtónhake (Shékon ne watewirarakwen)

Akwê:kon ne e'tho ratiiátare ne'e á:re sahonní:ron tsi nióre niiorihowánen ne skáhne ahonnésheke ne kahwá:tsire. Ne'e á:re sahonní:ron ne teiotonhwentsó:hon ne sénha aioiánereke ne CFSA ne ahonnón:ni tsi nón:we ne iah e'tho naiáwen ne enhatikwatá:kon kató:ken tsi nikari:wes tahnnon ne iorihowá:nen ne' eh naionhtónhake ne'e ne ioiánere tsi ahonatésten' ne ratiksa'okón:'a tahnnon ne nithotiiénsas. Ne kentiohkwaké:ron wahonní:ron ne CFSA thò:tsi tonsahatité:ni ne tsi nioht

ronwatiénawase, akatonkènhake tahnnon ahonnón:ni tsi niiht tahnwatísne’.

Ne ratitiohkwaké:ron roterihwaní:ron tsi níiore níorihówanen ne ratiksa’okón:’a tahnnon ne níthotiiénsas e’tho nón:we ahonnesheke tsi nón:we ratinákere tahnnon ne óni ne raotihwátsire, ne’e wahonní:ron ne sénha aioiánereke ne e’tho naiáwen’ne ne CFSA aorihwake tahnnon tsi ní:io ratíhsere ne ratitiohkwakéron wahonní:ron aón:ton sénha ahotiio’te ne raotihwát:tsire tahnnon ne roti’nistenho’okón:’a, ne’e ne iosnó:rat tahnnon onteharíhwáreke ahonwatiénawase tsi nón:we ratí’terón:ton ne sénha ne óia tionaktó:ton.

É:so kí:ken ratitiohkwaké:ron wahatei’wanón:ton ne tokat e’tho naiá:wen tahnnon aiotehnhótó:kwen ne ratiksa’okón:’a tahnnon ne níthotiién:sas raotiríhwake. Ne ratitiohkwá:ien wahonní:ron iorihowá:nen ne tíotkon tahnontakénh ne’e ok’ ne wéntore tsi níhontíérha’.

Ne ratitiohkwaké:ron ne’e wa’thatihtharónnion tahnnon wahonwatiríhon ne aoríhwake ne ahontewirarákon ne’e akwah.

- Ne’e ne Ontario aónton ahatikwatá:kon ne CFSA tekéni nahó:ten ne kaianerénhséra – Énska ne ratiksa’okón:’a tahotiiá:taton (ne:ne tsi nón:we ratitiiénhaiens raotirí:wa) nóhk ne óia ne:ne ronónha ok’ wahonthótate tsi nón:we rotíien ne oríhwake ne ieksa’:a ka’ok nón:we ahontiwirará:kon tahnnon ne roti’nistenho’kón:’a enhaterihwa’nírate ne e’tho naiá:wen.
- Ne’e tehonatonhwentsó:ni ahonón:ni ne rotenwirá:wis tsi kahwentsarahstánnion ne’e ne CFSA eh nón:we e’tho nón:we aiónneke ne’e teniontihahaién:take ne ratiksa’okón:’a ronwatiénnsawá:sas ne ahon’nón:ni tahnnon sénha aioiánereke tsi níioht ne rontenwirá:wis ne’e tsi ní:wa kahwentsarahstánnion tahnnon óni ahatinón:wen’e ne e’tho naionhtónhake ne ónen kaianerénhséra rá:tite’, ne’e sénha watiéhsake ne’e ne ahontewirarakon tsi nón:we ne Ontario konwá:iats.
- Ne’e enhatinónwen’ne ne CFSA ne’e sénha aowé:ne’ke ne tsi iohwentsarón:nion tahnnon tsi tekakahsionkwen kahwentsarahstánnion ne’e aoríhwake ne Ontario nón:we ne CFSA, ne:ne sénha akowennénhake tsi tahatíia’tórehte (e.g. ne’e akwah ne SAFE tsi ratíteron ahonteweienhste’) ne’e óni ne enwáton enhontkátho tsi níhatíiérha, kató:ken, iaweronhátie ónhka tahnnon iohwentsarónnion tsi nón:we ronwirarákwás.
- Ne’e wahonwathró:ri ne CFSA thó:tsi kató:ten tahnnon kok ní:kon kaianerénhséra aoríhwake ne’e ne tahatí’nikónharen ne ónen enwateweienénta’ne ne enhontewirará:kon, tsi nón:we titiotonhwentsó:hon.

Kaia’takehnhátshere ne Onkwehón:we ratiksa’:a tahnnon ne Níthotiiénha.

Tenwatiswanétas ne Onkwehónwe kaksá:ta tahnnon ne níthotiién:sas tsi níhá:Ti ne Onkwehón:we ne kéntho Ontario é:so tsi teion’ténnion ne’e teion’ténnion ne’e eh nakáiere ne rontkáthos, tsi níioht iénhón:newe tahnnon nahó:ten tehonatonhwentsó:ni ne’e kénthon (First Nation) Metis tahnnon ne Inuit Onkwe. Nóhk só:tsi é:so kí:ken ratinón:wes ne ne’e enhowatiná:tonhkwe ne’ ahonthró:ri tsi níthotiríhó:ten tsi ná’tehontatíenté:ri, ne’e wathró:ris nahó:ten raoná:wen tahnnon ne ioríhwakwaiénhsóns.

- Káien é:so ne kaia’takehnhátshera ne onkwehón:we ratiksa’:a tahnnon ne níthotiiénha, ne’e ronahrónken ne ratitiohkwaién, tsi é:so enthonnónhton tsi ronwatiia’takénhas, ne’e ne enshontkátho tsi ná’awenhseron ne onkwehón:we raotiríhwake ne’e ne Metsi, Inuit, tahnnon ne Onkwehónwe ne kéntho Ontario.
- Tetsáron ne Onkwehón:we tahnnon ne íah onkwehón:We akwé:kon wahatiríhwahnírate ne

tahatitentionháton ne wá:ton “Indians” native person tahnon ne “Native community ne CFSA. Ne kentiohkwakéron wahonníron ne iaweronhátien nahó:Ten enhonohetste othénon ne tahatíieste, ne’e enhóntste tsi nioht ne Onkwehón:we aoianéhsera, shé:kon ne nahó:ten kénton ne Aboriginal tsi wátston ne 35 nón:we ioháte ne kwáh éneken tkáte ne kaianerenhséra. Iaweronhátien ne otia’ke ne ratiia’tare, ne’e rónton ne akwékon ne e’tho ratiia’tare ne’e á:re sahonní:ron tsi nióre niiorihowánen ne skáhne ahonnésheke teiotonhwentsó:hon ne sénha niioianereke ne CFSA ne ahonnón:ni tsi nón:we ne iah e’tho naiáwen ne enhatikwatá:kon kató:ken tsi nikarí:wes tahnon ahonatésten’ne ratiksa’okón:’a tahnon ne nithotiiénsas. Ne kentiohkwaké:ron wahonní:ron ne CFSA thó:tsi tonsahatité:ni ne tsi nioht ronwatiennènwase, akatonkènhake tahnon ahonnón:ni tsi nioht tahonwatísne’.

- Ne ratitiohkwakéron roterihwani:ron tsi nióre niiorihowánen ne ratiksa’okón:’a tahnon ne nithotiiénsas e’tho nón:we ahonnésheke tsi nón:we ratinákere tahnon ne óni ne raotihwátsire, ne’e wahonní:ron ne sénha aioianereke ne e’tho naiáwen’ne ne CFSA aorihwake tahnon tsi ní:io ratihsera ne ratitiohkwaké:ron wahonní:ron aón:ton senha ahotiio’te ne raotihwátsire tahnon ne roti’nistenho’kón:’a, ne’e ne iosnó:rat tahnon onteharihwáreke ahonwatiénawase tsi nón:we rati’terón:ron ne sénha ne ó:ia tionaktó:ton.
- É:so kí:ken ratitiohkwaké:ron wahateri’wanón:ton ne tokat e’tho na’iá:wen tahnon aiotehnhotó:kwen ne ratiksa’okón:’a tahnon ne nithotiién:sas raoterihwá:ke. Ne ratitiohkwá:ien wahonní:ron iorihowá:nen ne tiótkon tahontatkénh ne’e ok’ ne wéntore tsi nihontierha’
- Ne ratitiohkwaké:ron ne’e wa’thatihtharónnion tahnon wahonwatirihon ne aorihwake ne ahontewirarákon ne’e akwah.
- wáton “Aboriginal” ne’e enhóntste, akwékon wahatirihwahnírate ne enhóntste ne Onkwehón:we “First Nations”, Metis tahnon ne Inuit ne’e sénha ióhton tahnon tkaiéri tsi nioht kahiá:ton.
- Ne’e wahatihiá:ton tahnon wahonnéta nahóten kénton, sénha wéne tahnon akwékon tsi nioht kahiáton, ne’e karihónni ne ratiksa’okón:’a sénha enhoti’nikonhraiénta’ne tsi nón:we nenthatiháwe ne katóken nioht ronwatiéna’wase (e.g. kahwá:tsire tahnon tsi niionkwarihon tsi tenhonwatísnién)
- Ken’nikon ne’e wahonníron ne ahonteweiénste ne onkwehónwe raotiwénna tsi nónwe akárake tsi nónwe ne CFSA ne’e ontaharihwáreke aiohtentionhake tahnon ne’e ahonteweiénste ne tso niionkwarihote, ne’e aionkwani’onhake ónhka ní:’i tsi nitewawennó:ten tahnon tsi nitionkwenon ne onkwehón:we ieksá:’a tahnon aohsá’a takaiá’toréhton ne akwékon e’tho nahatí:iere, ahoti’nikonhraién:take tsi nikaianerenhsérote.
- Ne tiotieren’ton ónkwe nithotiiénsas ne ónen wahotkátho ne’e tahatirihoten ne CFSA thó:tsi ne’e tahatiia’toréhte ne ne tóhsa e’tho naiáwen tahnon ne’e sénha ne’e tahatiia’toréhte ne othénon ahatikwatákon, ne othénon tahontate’nikonhró:ri ne nithotiiénsas, ne’e akwah tsi nón:we iah otheronon tehotí:ien. Ne kaianerenhséra thóhtsi othénon ne onsontónhete ontahatiawa’neta (shékon ne á:se ahotinenhsota’ne) ne nithotiiénsas ne ronatehiáron éron nónwa, tsi nikáien ronnéthe onsahonhténtsi, ne ónen ronatehiá:ron.
- Ne onkwehónwe tahnon ne iah ne onkwehónwe ronwatiénawase ne’e óni tahatirihwáreke ronwatiénawa ne’e óni tahatirihwárke tsi niiorihowánen ne rontanenonhkwe’okón:’a tahnon ahonwatina’tónhahse tsi niionkwarihóte ne’e óni teiotonhwentsó:hon ratinákere tsi nónwe rónnes ne ronateróshons e’tho nónwe awátake teka’tharákwen.

- Tsi níkáien ronateroteriston tahontewénton ne CFSA ahatikwéni ne e'tho ahótete ne akwékon ne iah onkwehónwe ne tsi níkáien ronwatiénawase, ne onkwehónwe ronwatiénawase tahnon ne onkwehónwe tsi nónwe ratíteron ne'e ne ahatikwatáko tsi níáwen ne onkwehónwe ratiksa'okón:'a.
- Wa'thatiténí ne kaianerénhsea ne akaiénawase ne'e ahonnónni sénha onkwehónwe naiorihó'ténhake sénha aoiànereke tsi níioht akaiénawahse. Ne'e ne aowé:take ne tsi níioht ahotiio'ten tahnon ahonwateweiénhsten ne tsi níiotikwarihó:ten ne'e karihón:ni sénha onkwehónwe naiónhtonke ne ahonwatiénawase ne onkwehónwe ratiksa'okón:'a níthotiénsas tahnon ne kahwatsiraké:ron.
- Ne:ne tokat e'tho nón:We enhonwanahtkátwe ne Onkwehónwe Metis tahnon ne Inuit ratiksa'okón:'a, é:so kí:ken wahonttoke tsi teiotonhwentsó:hon sénha tahatitakwarithe tahnon sénha óni aka'sátstake ne ónen ahatiri'wanónton ne ronónha ok' rontatenonhkwe tahnon tsi níioht tahonwatisnien'ne ne aonhá:'a thotirihotákwen néne akahíá:toke né:ne tsi níioht tahonwatisnién'ne ne ratiksa'okón:'a ronwaten'nikónrare, e'tho nónwe ienhonwati'téron tsi nónwe ne onkwehónwe ratíteron ne'e karihón:ni enhonnateriéntarake tsi níiokwarihóten tahnon ónhka ní:'i.
- Inuit tahnon ne Metis ratiíátare ne'e wahontkátho tahnon wahatiri'wanón:ton ne takaténion Part X tsi nón:we ne CFSA ne'e karihón:ni oríhwake enhonnón:ni tsi níioht rontenwirá:wis tahnon raotihwátsire ne'e tenhonwatisnien'ne ne'e karihón:ni enhontiién:take tsi níiokwarihó:ten.
- Ne kí:ken ónkwe ne'e ronnére' ne ronónha eh naiónhtónhake tsi níioht ne raotinónhsakon ne Office of the Provincial Advocate ratina'tonhkawah, ne'ne ratiksa'okón:'a tahnon ne ronónha nahó:ten tenhonatonhwentsó:ni ne onkwehónwe, Metsi, Inuit tahnon ne kaná:takon ratinákere ne onkwehónwe ratiksa'okón:'a tahnon ne níthotiénsas ne kéntho Ontario.

Ne tsi naiá:wen ne enhatikwatá:kon ne ronónha e'tho nahatíiere ne' ónen enthòntkawe ne kaia'takenhátshera ne Onkwehónwe ta'nón:wa ónen Onkwehónwe ónkwe né:ne skénon enkènhake.

Ne CFSA é:so kí:ken nahó:ten kahíá:ton ne ónen e'tho nahatí:iere ne kentiohkwaké:ron ne thonwaná:wis ne kaia'takehnhatshera ta'nón:wa óni othénon aoríhwake tsi nón:we kaianerénhsera ne Onkwehónwe ta'nónwa óni onkwehónwe ratiksa'okón:'a. Ne:ne tíó:wis ne kaianerénhsera ne akwékon ne ónkwe ensontkátho ne'e akwah ne kí:ken tekaia'toréhton.

Kí:ken nón:wa tsi níioht kawénnare ne'e enionswa'nèta enska ne nahó:ten thotirihotákwen ne CFSA, ne'e ne ahatiiénteren'ne tsi ne onkwehónwe thó:tsi aónton ronónha eh nahatíiere tsi nón:we enwáton'ne, ne ronónha raotiksá:'a tahnon raotihwátsire aoríhwáke, tahnon akwekon thonwaná:wis ne onkwehónwe tahnon ne onkwehónwe ratiksa'okón:'a tahnon raotihwátsire ne'e thó:tsi e'tho naiónhtonke tsi ne'e tsi níiokwarihó:ten tsi níhononhwentsó:ten tsi níioht tionkwehtahkwen tsi e'tho níioht ne raotihwátsire. "otia'ke nón:wa ne aonhá'a ne enwatena'tónhahse ne toka ne'e enkárame.

- Akwekon wahaterihwaiéna tsi sahontkè'n'se ne akwekon nahó:ten kahiatónnion ne Part X né:ne CFSA ne iaharékon e'tho níioht tsi ahontkátho. Eh nón: í:wa ne Section 211, enhonwaterihon "ne onkwehónwe tsi nón:we ratinákere ne ahonwaterihon ne onkwehónwe ne'e óni ne ratiksa'okón:'a tahnon ne kahwátsire ohentonhshon." Iaweronhatie tsi ne senha é:so kahwátsire

ronwatiia'takehnhas ne Ontario, iah tethoti' nikonhri:io tsi nón:we ne tsi tekakahshionkwen shé:kon thonatóktani tsi nón:we onkwehónwe kentiohkwakéron ne: ne onkwehonwe tehonwatiia:taton.

- Otia'ke wahonní:ron enshónneke ne owenna'okón:'a "tsi nón:we ne enwá:ton" tsi nón:we Section 1 (2) 5 ne kaianerénhsera, ne'e tsi iorihowánen ne onkwehónwe ontahonónhton tsi na'kariho'tenhake ne kahwátsire ronwatiienawáse.
- Otia'ke wahonní:ron tsi nioht enhaterihwa'ní:rate ne Section 213 tahnón 213.1 néne enio'nikonhraiéntaske' tahnón wé:ne nahó:ten nen' ne ne "tahahitháren." Ne onkwehonwe ne'e aonhá:'a ne nahó:ten wahonní:ron ne senha aioiánereke tsi nioht ahonwatihró:ri tahnón tahatháren akwé:kon tsi nikaien ronwatiienawase' ne onkwe tsi níkaíen ratiíátare tsi nón:we thonahtentiónkwen ne'e oni wahonní:ron ne tsi nioht ronwatiia'takehnhas iah tekáhsere tsi nioht rotikwátakwen.
- Ne rtitiohkwaiénton wahonní:ron toka ne CFSA ahonnèta ne thia'tekakonte ahonwatihró:ri ne onkwehónwe tahnón ó:ia onkwehonwe tsi nón:we rati'terónton ne aorihwake ne raotiksáta ne onen é:ron nón:we tehonwatisnie' e'tho nón:we e'h nioht tsi akahíátonke ne tsi nón:we ratinákere tahnón tsi tehonatekhànon. Ne kí:ken katke enhonthró:ri tsi niaawen'onhatie e'tho nón:we nèntewe ne senha aioiánereke tsi nihonwatisnie' tahnón ahaterihwatshenri tsi nioht ne onkwehonwe ratiksa'okón:'a.

Ne ó:ia tsi iensatiráta'ne...

Tsi nioht wahatirihwatshenri ne 2105 ne onen sahontkátho ne ratiksa'okón:'a tahnón ne kahwátsire ronwatiienawáse kaianerenhsera. Ne'e tioianéha tsi nioht tehotiia'toréhton thonatkáwen akwékon tsi ní:kon ratiíátare. Tsi nioht wahatiéna ne ronwatihró:ris kahiatonhserake nontáwe tahnón é:so tsi wathati'tharónnion ne'e tsi niiorihwákste tahnón sewatiéren é:ron ok' nón:we ietioratá:'on tekarihwakèhnhen tsi nioht ontahontiswá'nèta ne onen enthatí:ren ne aiorihowanénhake tsi nioht tenhonwatisnie' ne kentho Ontario ratiksa'okón:'a tahnón nithotiiénsas.

Ne tsi tekntihanion tsi nihatiwennó:tens tahnón é:so wahontkátho, tsi na'tekóntihanion ne nahóten roti'tharahkwen, thanon ne aorihwake tsi nioht wathaterihwáserakon onwa ne'e shon'tkènses, iorihowanen kí: non:wa tsi nioht tekaia'toréhton ne'e ok ne watena'tón:ni tsi níkaíen aonhá:'a karihwaró:ron, ne'e senha ne wa'karihwénta'ne tsi nioht tsi wahóntkatho tsi nikon thonatkáwen ne ratitiohkwaiénton. Senha wé:ne' tsi nioht tehoti'tharákwen.

Tsi niore ne iorihowánen akwekon tenkaio'torénhton ne nahó:ten nioht thonwanáwis ne'e ne eh nón:we enhonnèta tsi ne minister tahnón ne Ministry tsi nón:we tenketeniónhake ne kaianerenhsera tahnón wahaterihwa'nírate tsi nioht enioterihwatentiónhake ne onkwaio'ténhsa ne ne'e enhotiia'tokehnha ne ratiksa'okón:'a tahnón nithotiiénsas ne kentho Ontario.

Niá:wen ne tewen'niawen katokènhaton tahnón ratitiohkwaiénton ne Ontario nón:we tahnón tahóntkawe tsi nioht wahontkátho tsi oni non:we wa'thonthétste tahnón tsi thateweientehta'te ne 2015 Sahontkènsa ne *ratiksa'okón:'a tahnón ne kahwátsire ronwatiienawase kaianerenhsera.*